

【经文信息】大正藏第 19 册 No. 1028A

佛说护诸童子陀罗尼经 1 卷

No. 1028A

佛说护诸童子陀罗尼经

元魏天竺三藏菩提流支译

尔时如来初成正觉。有一大梵天王。来诣佛所敬礼佛足。而作是言。

| | |
|-------|-------|
| 南无佛陀耶 | 南无达摩耶 |
| 南无僧伽耶 | 我礼佛世尊 |
| 照世大法王 | 在于阎浮提 |
| 最初说神呪 | 甘露净胜法 |
| 及礼无着僧 | 已礼牟尼足 |
| 实时说偈言 | 世尊诸如来 |
| 声闻及辟支 | 诸仙护世王 |
| 大力龙天神 | 如是等诸众 |
| 皆于人中生 | 有夜叉罗刹 |
| 常熨嗽人胎 | 非人王境界 |
| 强力所不制 | 能令人无子 |
| 伤害于胞胎 | 男女交会时 |
| 使其意迷乱 | 怀任不成就 |
| 或歌罗安浮 | 无子以伤胎 |
| 及生时夺命 | 皆是诸恶鬼 |
| 为其作娆害 | 我今说彼名 |
| 愿佛听我说 | |

第一名弥酬迦 第二名弥伽王 第三名蹇陀 第四名阿波悉魔罗 第五名牟致迦 第六名魔致迦 第七名阎弥迦 第八名迦弥尼 第九名黎婆坻 第十

名富多那 第十一名曼多难提 第十二名舍究尼 第十三名捷咤波尼尼 第十四名目佉曼荼 第十五名蓝婆

此十五鬼神。常游行世间。为婴孩小儿。而作于恐怖。我今当说此诸鬼神恐怖形相。以此形相。令诸小儿皆生惊畏。

弥酬迦者其形如牛。

弥迦王者其形如师子。

蹇陀者其形如鸩魔罗天。

阿波悉魔罗者其形如野狐。

牟致迦者其形如猕猴。

魔致迦者其形如罗刹女。

阎弥迦者其形如马。

迦弥尼者其形如妇女。

黎婆坻者其形如狗。

富多那者其形如猪。

曼多难提者其形如猫儿。

舍究尼者其形如鸟。

干咤婆尼尼者其形如雉。

目佉曼荼者其形如獾狐。

蓝婆者其形如蛇。

此十五鬼。神着诸小儿令其惊怖。我今当复说诸小儿怖畏之相。

弥酬迦鬼者着小儿眼睛回转。

弥迦王鬼者着小儿数数呕吐。

蹇陀鬼者着小儿其两肩动。

阿波悉魔罗鬼者着小儿口中沫出。

牟致迦鬼者着小儿把卷不展。

魔致迦鬼者着小儿自啮其舌。

阎弥迦鬼者着小儿恚啼喜笑。

迦弥尼鬼者着小儿乐着女人。

黎婆坻鬼者着小儿见种种杂相。

富多那鬼者着小儿眠中惊怖啼哭。

曼多难提鬼者着小儿恚啼喜笑。

金究尼鬼者着小儿不肯饮乳。

干咤波尼尼鬼者着小儿咽喉声塞。

目佉曼荼鬼者着小儿时气热病下痢。

蓝婆鬼者着小儿数数噫啻。

此十五鬼神。以如是等形。怖诸小儿。及其小儿惊怖之相。我皆已说。复有大鬼神王。名栴檀干闼婆于诸鬼神最为上首。当以五色綖。诵此陀罗尼一遍一结。作一百八结。并书其鬼神名字。使人赍此书綖。语彼使言。汝今疾去急速如风到于四方。随彼十五鬼神所住之处。与栴檀干闼婆大鬼神王。令以五色线缚彼鬼神勿娆众生。兼以种种美味饮食香华灯明。及以乳粥供养神王。

尔时。大梵天王。复白佛言。世尊若有女人不生男女。或在胎中失坏堕落。或生已夺命。此诸女等欲求子息保命长寿者。常当系念修行善法。于月八日十五日受持八戒。清净洗浴着新净衣。礼十方佛至于中夜。取少芥子置已顶上。诵我所说陀罗尼呪者。令此女人即得如愿。所生童子安隐无患。尽其形

寿终不中天。若有鬼神不顺我呪者。我当令其头破作七分如阿梨树枝。即说护诸童子陀罗尼呪。

多[口*经]他 阿伽罗 伽宁 那伽 伽宁 婆漏隶 祇隶 伽婆隶 婆隶
不隶 罗叔祢 修罗俾 遮罗俾 娑尼 波罗呵 沙尼 那易 弥那易 稣
婆呵

世尊我今说此陀罗尼呪护诸童子。令得安隐获其长寿故。

尔时世尊一切种智。即说呪曰。

多[口*经]他 菩提菩提 菩提[少/兔]摩帝 菩提菩提 摩隶 式叉夜 婆舍
利 婆多祢 婆罗陀 头隶 头隶 婆腊多头隶 舍摩臑 收隶 婆呵臑
陀波臑 稣婆呵 臑婆罗臑 稣婆呵

此十五鬼神常食血肉。以此陀罗尼呪力故。悉皆远离不生恶心。令诸童子离于恐怖安隐无患。处胎初生无诸患难。诵此呪者。或于城邑聚落随其住处。亦能令彼婴孩小儿。长得安隐终保年寿。南无佛陀成就此呪。护诸童子不为诸恶鬼神之所娆害。一切诸难一切恐怖。悉皆远离稣婆呵。时此梵天闻说此经欢欣奉行。

佛说护诸童子陀罗尼经◎

【经文信息】大正藏第 19 册 No. 1028A 佛说护诸童子陀罗尼经

【版本记录】CBETA 电子佛典 Rev. 1.8 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
